

**«ՀԱՓԱՆՑՎՈՅ ՊԱՏՄՈՒԹՅԱՆ» ԺԱՄԱՆԱԿԳՐՈՒԹՅԱՆ
ՀԱՎԱՍՏԻՈՒԹՅՈՒՆԸ ԵՎ ԿԱՌՈՒՑՎԱԾՔԸ**

Ա. Մ. ԱՅՎԱԶՅԱՆ

Սյունյաց ազատամարտի 1724—1730 թթ. հատվածին վերաբերող հարցերը հայ պատմագիտության ամենավիճելի խնդիրներից են: Վեճի կենտրոնում Դավիթ-բեկի և Մխիթար սպարապետի մահվան թվականներն են, ըստ այդմ՝ նաև Ղափանի ապստամբության տևողության խնդիրը: Որոշ գիտնականներ կասկածի են ենթարկել «Ղափանցի պատմության» ժամանակագրական տեղեկությունների հավաստիությունը և պնդել են, որ Դավիթ-բեկն իր մահկանացուն կնքել է ոչ թե 1728 թ. (ինչպես հայտնում է «Պատմությունը»)¹, այլ 1725-ին կամ 1726-ի սկզբին, իսկ Մխիթար սպարապետը զոհվել է ոչ թե 1730 թ. (տե՛ս Համապատում, էջ 179. հմմտ. ՊՏԱ, էջ 142), այլ 1727-ին²: Այս տեսակետը լրջորեն քննադատվել է³, սակայն խնդիրը մնացել է «Պատմության» Գովաժիրյանցի 1871 թ. հրատարակության շրջանակներում, այդ պատճառով էլ բանավեճը համոզիչ արդյունքի չի հանգել: Ինչպես նշել է Հ. Դ. Փափազյանը, «Ղափանցի պատմության» հաղորդումները կասկածի ենթարկելու համար թյուր մեկնակետ է եղել մինչև վերջինից հրատարակությունը (1978 թ.) գոյատևած այն սխալ կարծիքը, ըստ որի «Պատմությունն» ամբողջությամբ թելադրել է Ս. Շահումյանը⁴, որը 1724 թ. երկրորդ կեսին կամ 1725 թ. գերի էր ընկել և որոշ ժամանակ անց

¹ Տե՛ս Դավիթ Բեկ կամ «Պատմություն Ղափանցու», աշխատասիրեց Սամուել վրդ. Արաձեան, Վենետիկ—Ս. Ղազար, 1978 (այսուհետև՝ Պատմություն Ղափանցու), էջ 177. հմմտ. էջ 142: Այս հրատարակության բնագրային մասը հոգվածիս շարադրանքի մեջ, համառոտագրություններով, հղելու ենք ըստ հետևյալ հատվածների. ՊՏԱ՝ Պատում Ստեփան Շահումյանի, էջ 119—130. ՊՏԱ՝ Պատում Տէր Աւետիք քահանայի, էջ 131—143. Համապատում՝ Համապատում բնագիր, խմբագրեց Հ. Ղուկաս վրդ. Սերաստացի, էջ 147—181. Զորացուցակ՝ Դավիթ-բեկի զորավարների ցանկը և Տեր-Ավետիքին նվիրված ներբողը, էջ 143—143:

² Տե՛ս Ս. Մ. Բրյուսյան. Послание Мхитар бека русскому правительству.— ՀՍՍՌ ԳԱ «Տեղեկագիր», (հաս. գիտ.), 1952, № 3, էջ 83—99: նույնի՝ Освободительное движение армянского народа в первой четверти XVIII в. М., 1954, с. 258—260, 270—278. Ա շ ո տ ը ո վ հ ա ն ն ի ս յ ա ն. Դավիթ Բեկի գլխավորած Ղափանի ապստամբությունը.— «Բանբեր Երևանի համալսարանի», 1970, № 1, էջ 102, 105—110. Ա. Գ. Աբրահամյան. Սյունիքի XVIII դարի ազատագրական շարժման պատմության շուրջ.— «Պատմա-բանասիրական հանգես», 1972, № 4, էջ 176—178; Վ. Մ. Մարտիրոսյան. Հայկական ժողովուրդների համագործակցությունը ազատագրական պայքարում (XVIII դարի 20-ական թթ.) Երևան, 1971, էջ 173—178: Տե՛ս նաև Ն. Ադոնց. «Դավիթ Բեկ» վեպի պատմական հիմք և գաղափարախոսական արժեքը.— ԲաճՖի (Հակոբ Մելիք-Հակոբյան). կյանքը, գրականությունը, հիշողություններ. Փարիզ, 1937, էջ 136—137:

³ Տե՛ս Ա. Միրզոյան. Մխիթար-բեկի կողմից ռուսական կառավարությանն ուղղված ուղերձի հարցի շուրջը.— ՀՍՍՌ ԳԱ «Տեղեկագիր», (հաս. գիտ.), 1952, № 8, էջ 87—98: Վ. Ռ. Գրիգորյան. Մանթաշարություններ.— Լեռ, Երկրի ժողովածու. հ. 3, գիրք երկրորդ, Երևան, 1973, էջ 602—605:

⁴ Հ. Դ. Փափազյան. Դավիթ-բեկի պայքարը օսմանյան ներխուժման դեմ և հարաբերությունները իրանական հակաօսմանյան դիմադրական ուժերի հետ.— «Պատմա-բանասիրական հանդես», 1987, № 1, էջ 90:

հեռացել Հայաստանից ու մեկնել Վենետիկ: Միաժամանակ, տարակույսների առաջացմանը նպաստել են նաև իրական պատմական փաստեր, որ են. ա) 1726 թ. մարտի 24-ին Մխիթար-բեկի (Մխիթար սպարապետի) ստորագրությանը ուսաց կայսրին հղված ուղերձը⁵. սա վերոհիշյալ գիտնականներին հիմք էր տվել ասելու, թե նամակի գրման պահին Դավիթ-բեկն արդեն կենդանի չէր. բ) Ղուղանենց Փարսադան-բեկի որդի Թադիի 1746 թ. Աստրախանում դրած հիշատակարանը⁶, որի համաձայն Դավիթ-բեկը վախճանվել էր ոչ բնական մահով (ինչպես ասված է «Պատմության» մեջ), այլ զոհվել էր կռվում. գ) Կրուշինսկու հաղորդումն առ այն, որ 1726 թ. «Մխիթարը երկրում (իմա՝ Ղափանում—Ա. Ա.) իշխան ընտրվեց և մեռնում է մեկից օժիկից»⁷: Այս առիթով Շ. Դ. Փափազյանն իրավացիորեն գրում է. «Մ. Արամյանի՝ հրատարակությանը առնթեր կատարված ուսումնասիրությունը վերջնականապես հաստատում է, որ «Պատմության» այդ հատվածը (1725—1730 թթ.—Ա. Ա.) գրված է կոիվներին մինչև վերջը մասնակցած Տեր-Ավետիսի պատմածի հիման վրա (տե՛ս Պատմություն Ղափանցուց, Առաջաբան, էջ 77—85): Ուստի, ավելի ստուգապատում կարող է լինել, քան դեպքերից շուրջ երկու տասնամյակ անց, հեռավոր Աստրախանում, թեկուզ և ազգակից, սակայն իրադարձություններին մոտիկից անհաղորդ, Ղուղանենց Թադիի՝ բերնեբերան անցնելով տեղ հասած և պատահականորեն հիշատակարանում գրի առնված տեղեկությունները: Աշ. Հովհաննիսյանը գտնում է, որ Ղուղանենց Թադիին «հՀավատալու հիմքեր չունենք»: Այսպես կարելի էր մտածել այն դեպքում, եթե հոյություն չունենար շարժման ամբողջ ընթացքում մարտերի անմիջական մասնակից, Դավիթ-բեկի մերձավորագույն զինակից Տեր-Ավետիսի մեր կարծիքով առավել արժանահավատ վկայությունը: Ինչ վերաբերում է Կրուշինսկու՝ նույնպես միջնորդաբար հաղորդած տեղեկություններին Մխիթար-բեկի օժման վերաբերյալ, ապա պետք է ասել, որ դա բոլորովին էլ հիմք չի տալիս պնդելու, թե օժումը տեղի է ունեցել անպայման Դավիթ-բեկի մահից հետո և որպես նրան փոխադրված»⁸:

Ի պաշտպանություն «Պատմության» խնդրո առարկա տեղեկությունների հավաստիության, ինչպես նաև նրանց վերաբերող մուծ մեացած պատմական ծալքերի առավել ճշգրիտ և խորը բացահայտման համար, ստորև ներկայացնում ենք մեր դիտարկումները ևս:

Ա. 1725 թ. թուրքական զորաբանակների առջև դրված գլխավոր խնդիրն Աստրախականի, Գանձակի, Կազվինի, Լուրիստանի և Սպահանի գրավումն էր: Բացառությամբ Սպահանի, 1725 թ. վերջին թուրքերը գրավեցին նախանշված գրեթե բոլոր վայրերը⁹: Հասկանալի է, որ այս ամենը նրանցից

⁵ Армяно-русские отношения в первой трети XVIII века. Сборник документов. Т. II, ч. II, под редакцией Аш. Иоанисяна. Ереван, 1967 (այսուհետև՝ շարադրանքի յեջ՝ АРО. II), док. 335, 336.

⁶ Տե՛ս Армянское войско в XVIII веке: из истории армяно-русского военного содружества (исследование и документы). Подготовил к изданию А. Н. Хачатрян. Ереван, 1968, док. 79, с. 237—238, 451—452. հմտ. Մաշտոցի անվ. Մատենադարան, ձեռ. № 5794, էջ 209ա—210բ:

⁷ Աշ. Հովհաննիսյան. Դավիթ բեկի գլխավորած Ղափանի ապստամբությունը, էջ 106—107:

⁸ Շ. Դ. Փափազյան, նշվ. աշխ., էջ 90:

⁹ Տե՛ս Jonas Hanway. An Historical Account of the British Trade over the Caspian Sea. The second edition, revised and corrected. Vol. II, London, 1754, pp. 236—240; Judasz Tadeusz Krusinski. The History of the Late Revolutions of Persia. Vols. 1 and 2. New York, 1973 (Լոնդոնի 1740 թ. հրատարակության վերապահում—

պահանջում էր ուժերի գերագույն լարում. միայն Թավրիզի գրավման համար մղված մարտերում (1725 թ. հուլիս-օգոստոս) օսմանցիները կորցրեցին 20 000 մարդ¹⁰: Օսմանյան ռանակները յուրջ կորուստներ կրեցին նաև Շիրվանում (թուրք զինվորները, չդիմանալով տեղի կլիմայական ծանր պայմաններին, զանգվածաբար դիմում էին դասալքության) և, հատկապես, Սպահանի ուղղությամբ Բաղդադի փաշա Ահմեդի գլխավորությամբ կատարված արշավանքի ժամանակ¹¹: Ուրեմն պարզ է, որ 1725 թ. օսմանցիներն ի վիճակի չէին բավականաչափ ուժեր տրամադրելու Արցախ-Սյունիքի նվաճման բարդ խնդիրը զուլի բերելու համար. դա կարող էր զգալիորեն արդելակել դեպի Իրանի խորքերը կատարվող և արագությամբ պահանջող վերջնական առաջխաղացումը: Հավանորեն, թերագնահատելով ընդվզած Լեռնահայաստանի դիմակայելու կարողությունները, նրանք կարծում էին, թե Ղարսբուրգի և Ղափանի հայության կղզիացած դիմադրությունը դատապարտված է արադրնթաց կազմալուծման:

1725 թ. Ղարսբուրգում արված փորձերն ավարտվեցին մարտի սկզբին Վարանդա մտած 4700 հոգուց բաղկացած օսմանյան հեծյալ զորաբանակի գրեթե լիակատար ոչնչացմամբ (այդ զորքի հրամանատար երեք փաշաներից երկուսն սպանվեցին, իսկ մեկը՝ գերեվարվեց) և թուրքերի նահանջով վերջացած ևս մի քանի բախումներով¹²:

Քյոն), Vol 2, pp. 177, 173—188; Mary L. Shay. The Ottoman Empire from 1720 to 1734. As revealed in despatches of the Venetian Bailly. Urbana, 1944, pp. 121—123; Laurence Lockhart. The Fall of the Safavi Dynasty and the Afghan Occupation of Persia. Cambridge, 1958 pp. 234—236 272; М. С. Иванов. Черк истории Ирана. М., 1952, с. 90—91; Новая история Ирана. Хрестоматия. Составители Н. К. Белова и др. М., 1988, с. 24—26.

¹⁰ Jonas Hanway. Op. cit., p. 237. Ըստ Աբրահամ Երևանցու, Թավրիզի երկամսյա կռիվն այնքան զոհեր էր խլել, որ օսմանյան 158 հազարանոց բանակից մնացել էր ընդամենը 42 հազար զինվոր (Աբրահամ Երևանցի. Պատմութիւն պատերազմացն 1721—1736 թուի. Ցառաչարան, քնագիր, խմբագիր օրինակ և ծանոթութիւններ պատրաստեց Սահակ Ճեմեմեմեան. Վնենտիկ—Ս. Ղազար, 1977, էջ 36, 112): 1725 թ. սեպտեմբերի 20-ին միտթարյան միաբան Պետրոս վարդապետը Կ. Պոլսից գրում էր Մխիթար արքահորը. «...վասն յաղթութեան Քէրվիզու՝ հրամանաւ Թազաուրին հինգ օր եւ հինգ դիշեր շէհիր (քաղաքում—Ա. Ա.) տօնանմասի արարին: Քէպէտ վասն պատեառի այսմ յաղթութեան ասեմ քէ այնքան քաղաքիւն սաեկաց անկեալ են ի պատեհագմի. մինչ զի ոչ քոյ թիւ, ասեմ» (Պատմութիւն Ղափանցւոց, էջ 99, փաստ. 21): (Այս և հետագա բոլոր ընդգծումները մերն են —Ա. Ա.):

¹¹ J. Hanway. Op. cit., pp. 237—239. հմմտ. J. T. Krusinski. Op. cit. pp. 180—181; L. Lockhart. Op. cit., pp. 267, 272.

¹² Տե՛ս АРО, II, док. 304, 309, 310, 312—325. հմմտ. «Պատմա-բանասիրական հանդես», 1990, № 4, էջ 75—76, ծան. 50: Տե՛ս նաև Պատմութիւն Ղափանցւոց, էջ 100 (վավ. 24), 103 (վավ. 30): 1725 թ. հոկտեմբերի 13-ին Ղարաբաղից ռուսական Սուրբ Խաչ ամրոց ժամանած Քյոխվա-Չելեբին (տե՛ս АРО, II, док. 322, с. 262) հայտնում էր, «При нем воинских действий только было, что пашу взяли и турок побили; но только во время бытности в Шемахе, сюда ныне едучи, слышал, что турков еще побили в провинции Карабахе, а сколько, не слышно, но будто с теми ведомостями к Дауд беку приехал нарочный человек» (АРО, II, док. 325, с. 265): Քյոխվա-Չելեբին, Անտոն Երեցի հետ միասին, Ռուսաստանից Ղարաբաղ էր հասել 1725 թ. մայիսի 16-ին (նրանց ժամանման թվականը Երկու վավերագրերում նշված է Ռէժեֆ (=1724), տե՛ս АРО, II, док. 315, 318, որը սխալ է. պետք է լինի՝ Ռէժեֆ=1725), իսկ նույն թ. հուլիսի 25-ին գրված նամակներից պարզվում է, որ այդ պահին արդեն, Քյոխվա-Չելեբին կրկին ուղարկված էր Ռուսաստան (տե՛ս АРО, II, док. 315, 317, с. 250, 253): Հետևաբար, Ղարաբաղում նոր մարտերը, եթե դրանց մասին նրան հասած տեղեկությունը հավաստի էր, եղել են 1725 թ. օգոստոս—սեպ-

«Ղափանցվոց պատմությունը» հատուկ չի անդրադարձնում 1725 թ. իրադարձություններին (եթե չհաշվենք այն, որ քոչվորների վրա Դավիթ-բեկի զորքերի կատարած երեք հարձակումը կարող էին եղած լինել եթե ոչ 1724 թ. երկրորդ կեսին, ապա 1725 թ., տե՛ս ՊՏԱ, էջ 135. հմմտ. Համապատում, էջ 164—165), այլ միանգամից պատմում է 1726 թ. օսմանյան հարձակման մասին (Համապատում, էջ 167. ՊՏԱ, էջ 136): Այստեղից պետք է եզրակացնել, որ 1725 թ. թուրքերը Ղափանի դեմ ուղղված խոշոր հարձակում չեն ձեռնարկել: Այդուհանդերձ, 1725 թ., իրոք, օսմանցիների և Դավիթ-բեկի ուժերի միջև որոշ ընդհարումներ եղել են: Այսպես, 1725 թ. մայիսի 11-ին Իվան Կարապետը հայտնել է կոմս Պ. Տոլստոյին, որ թուրքերը հարձակվել են Ղափանի վրա, սակայն Դավիթ-բեկը նրանց պարտության է մատնել և ետ շարժել. «...а имя его Давуд бек, он же живест в Капанской земле; тамошних армян собрал к себе, турок пришел батални давал, от них много побил, ныне сказывают и там турок нет» (АРО, II, док. 312, с. 241, 243): Հնարավոր է, որ 1726 թ. մարտի 24-ի վերահիշյալ ուղերձում հիշատակվող Ջերմուկի (հետևաբար՝ և ամբողջ Վայոց ձորի) դրավումը և ապա այդ ուղղությունից Ղափանի իշխանապետության վրա կատարված հարձակումը (տե՛ս АРО, II, док. 335, с. 273—274) վերաբերում են հենց 1725 թ. սկզբին օսմանցիների հախուռն և անպատրաստ այն գործողություններին, որոնք կատարյալ ձախողման ենթարկվեցին թե՛ Ղարաբաղում և թե՛ Ղափանում: Ինչպես երևում է 1725 թ. վերջին Դարբանդ վերադարձած երկու հայ լրտեսների ռուսներին տված տեղեկություններից, 1725 թ. նախիջևանում նստած թուրքական զորախմամաառնությունը, հավանաբար արդեն ճաշակած լինելով Ղափանցիների հետ գինված առճակատման դադար պտուղները, փորձել է բանակցել Դավիթ-բեկի հետ. «Из Нахчивана турецкой паша посылал к армянам Капанским, к Даутбег баше (sic), чтоб он со своими армянами поклонился турецкому салтану и был бы у турок в подданстве. Но он Даутбег баша отказал ему турецкому паше, и сказал, что и де вас не слушаю, в подданстве у вас быть не хочу: буду де против вас стоять доколе дохотю жив буду, а когда умру и что после меня останется, тогда де как хотят, так и делают»¹³:

* * *

Բ. Այվազյանը «Պատմության» ժամանակագրական կառուցվածքի բնութագրելու և այդ տեսանկյունից դիտենք մեր առաջադրած հարցերը:

Օսմանյան բանակի Ղափան ներխուժելու ժամանակը պարզելու համար «Պատմության» Համապատում բնագիրը տալիս է երեք տեղեկություն.

տեմբերին: Մաղանդարում՝ շահ Թահմասպի մոտ գտնված վրացի Սարիզան-բեկի 1726 թ. ապրիլին տված մի հաղորդումից կարելի է եզրակացնել, որ 1725 թ., մարտի հայտնի բախումից (որը թուրքերի հետ զարաբաղցիների առաջին բացահայտ գինված առճակատման էր) մինչև 1726 թ. ապրիլ ամիսը Ղարաբաղի մատույցներում եղել էր ևս երկու ընդհարում. «...сигнаты турка трижды победили, и рубленные головы турецкие... (այստեղ երկու բառ անընթեռնելի է մնացել—Ա. Ա.) к шаху привез» (Վ. Կ. Ոսկանյան, Վ. Ա. Դիլոյան. Ռուսաստանի քաղաքականությունը Անդրկովկասում XVIII դարի 20-ական թթ. (նոր վավերագրեր).—«Պատմա-բանասիրական հանդես», 1964, № 2, փաստ. 19, էջ 265): Եթե հաշվի առնենք այն հանգամանքը, որ, ճանապարհների անապահովության պայմաններում, 1725—1726 թթ. Ղարաբաղից Մաղանդարան ընկած տարածությունը հաղթահարելու համար պահանջվելու էր աննվազն երկու-երեք ամիս (սովորական՝ խաղաղ պայմաններում Ղարաբաղից մինչև Գիլան 20 օրվա ճանապարհ էր—տե՛ս Г. Г. Папцадзе. Русско-грузинские отношения в 1725—1735 гг. Тбилиси, 1965, с. 92), ապա պիտի կարծել, որ վերջին երկու բախումը եղել է դարձյալ 1725 թ.:

¹³ См. АВПР, ф. Сношения России с Персией, оп. 1, 1725, д. 5, л. 335б. հմմտ. Վ. Մ. Մարտիրոսյան. նշվ. աշխ., էջ 173. Աշ. Աբրահամյան. Սյունիքի XVIII դարի..., էջ 175:

1. «Ապա յամի Տեառն 1726ին, եւ ի թուին Հայոց հազար հարիւր եօթանասուն եւ հինգերորդին, անթիւ անհամար զօրօք միեկնայն յաշխարհն Սիւննաց, եւ հասին պատեցին ի շորից կողմանց զերկիրն Դաւթի, ղեօթնաբերդն դառն Ղափանու» (էջ 167):

2. «Արդ յամսեանն իններորդի յետ գալստեան Օսմանցւոց ի Ղափան, որ աջ հիւղերորդ ամ էր գալստեանն Դաւթի, եկին հասին ի Ղափան ի Սուլտան Ահմէտէն՝ Պէքիր փաշայն, եւ Արապ-Ալի՝ փաշայն՝ բազում զօրօք, ընդ ինքեանս առեալք նաեւ զՓաթալի խանն Պարկուշատու» (էջ 167):

3. «Ենունհետեւ, օսմանցի զորահրամանատարները, լայնածավալ նախապատրաստական ե քայքայիչ աշխատանքներից հետո իրենց մոտ կենտրոնացնելով մեծաքանակ ուժեր¹⁵, որոշ ժամանակ անց (սեւ ժամանակ ինչ կացեալ անգա—ՊՏԱ, էջ 136) ռահնդէս արարեալ ամենայն զօրացն, կարգեցան պատրաստեցան դիմեցին գալ ի վերայ Դաւթ Պէկին, եւ եկին բանակեցան յայնկոյս Կետուն Հալի ձորոյ, ի յերեքտասաներորդում աւուր քառասներորդաց պահոցն» (էջ 168. ՊՏԱ, էջ 136):

Վերծանենք այս հաղորդումները.—1. 1726 թ. ինչ-որ ժամանակահատվածում օսմանցիներն սկսել են Ղափանի շրջափակումը։ 2. Ինն ամիս անց, իրենց լրացուցիչ զորամիավորումներով, թուրքական զորքին են միացել սուլթան Ահմեդ Գ-ի ուղարկած Բեքիր փաշան եւ ազգությամբ արաբ Ալի փաշան։ 3. Որոշ ժամանակ անց, վերջնական պատրաստություն տեսնելուց հետո, օսմանյան բանակը դիմել է ընդհանուր հարձակման եւ, որն էլ լուրջ դիմադրության չհանդիպելով, քառասներորդաց պահքի 13-րդ օրը մոտեցել է Հալիձորի բերդին եւ պաշարել այն։ Արդ, ճշտենք այս դեպքերի ժամանակը։

Քառասներորդաց պահքը կամ Քառասներորդը նույն Մեծ պահքն է, որն սկսվում է Զատիկից 48 օր առաջ¹⁶։ Ո՛ր թվականի Քառասներորդին է վերաբերում Տեւր-Ավետիքի հաղորդումը։ Զատիկը շարժական տոն է, լինում է մարտին կամ ապրիլին¹⁷։ Համապատասխան շարժականություն ունի նաև Քառասներորդը։ Հետևաբար, օսմանյան հարձակումը Հալիձորի վրա ոչ մի կերպ հնարավոր չէ վերադրել 1726 թ.¹⁸, քանզի թուրքերն այդ թվին, առնչվազն ինն ամիս եւ էլ ինչ-որ մի անորոշ ժամանակահատված (նկատի ունենք մինչև Հալիձորի վրա արշավելը՝ Բեքիր եւ արաբ Ալի փաշաների ծավալած նախապատրաստական գործունեությունը), զբաղված էին Ղափանի

¹⁴ Այս տեղան առաջին բաղադրիչը ՊՏԱ-ում նշված է փոքրատառով՝ «արապ Ալի» (էջ 136)։ Ամենայն հավանականությամբ, Ալի փաշան ազգությամբ արաբ է՝ իդլի, այդ ցեղանունն էլ (ԼՄԽԻՄ), ժամանակի բավականին տարածված սովորություն, միացվել է նրա անձնանվանը եւ շրջափակվել միասնորեն՝ Արաբ-Ալի։ 1720-ական թթ. վերաբերող այլ աղբյուրներում Արաբ-Ալի օսմանցի զորապետ չի հանդիպում, սակայն հիշվում են Ալի անվամբ 2 կամ 3 թուրք փաշա։ Արաբից՝ «Պատմության» արաբ Ալիին ամենից շատ համապատասխանողը Զորումի սանչակի մութասարիֆ (Զորումի վալի) Ալի փաշան է, որը 1724 թ. մասնակցել էր Իրևանի պաշարմանը եւ այլ մարտերին (տե՛ս Թուրքական աղբյուրները Հայաստանի, հայերի եւ Անդրկովկասի մյուս ժողովուրդների մասին, հ. Ա, կադմեյ Ա. Խ. Սաֆրաստյան. Իրևան, 1961, էջ 139—141)։ Չի բացառվում, որ հետագայում սուլթանը այս նույն Ալի փաշային է նշանակել Եաթիլի բեկլարբեկի (տե՛ս АПО, II, №№. 377, 378, 379, с. 320—322)։ Ալի փաշա անունով օսմանցի զորահրամանատար, 1724—1735 թթ. ամբողջ ընթացքում, հիշատակում է նաև Նադիր շահի պալատական պատմիչ Մուհամադ-Քադիմը (տե՛ս նրա Նամե-յե Ալամարա-յե Նադիրի դիրքը (պարսկ.), Մ. 1960, հ. 1, էջ 58 ր, 306 ա, 307 ր—309 ա)։

¹⁵ Հստ «Պատմություն», 60—70 հազար ղինվոր (տե՛ս ՊՏԱ, էջ 136—137. Համապատում, էջ 167)։

¹⁶ Տե՛ս Մ. Օրմանյան. Միսական բառարան. Անթիլիաս, 1957, էջ 42, 65։

¹⁷ Նույն տեղում, էջ 45—46։

¹⁸ Այլ հանգանակներ նկատում էր, որ «Պատմությունը» վերագրում է այդ անցքերը ռոյալն է 1726, ու այն է 1727 թ. (տե՛ս АПО, I, с. LXXXII)։

շրջափակումն իրագործելով և հայերի մեջ անմիաբանություն սերմանելով, բայց դեռևս չէին համարձակվել մտնել երկրամասի խորքերը: Սրանով աներկբա է դառնում, որ թուրքերը Հալիձորի բերդը կարող էին պաշարել միայն հաջորդ տարի, այն է՝ 1727 թ. փետրվարի 26-ին (հին տոմարով)¹⁹: Նույն 1727 թ., Հալիձորի ճակատամարտից և մի շարք այլ հաղթանակներից հետո, Դավիթ-բեկը շահ Թահմասպ II-ին ընժա է առաքում չորս «բեռ» թուրք սպանված զինվորների գլուխները (Համապատում, էջ 173. ըստ Տեր-Ավետիքի՝ երկու բեռ, ՊՏԱ, էջ 139):

Այժմ անցնենք մյուս երկու հարցի պարզաբանմանը: Նախ՝ ե՞րբ է սկսվել Ղափանի շրջափակումը: Այս խնդրի լուծմանը մեծապես նպաստում է 1726 թ. մարտի 24-ին ուսաներին հղված հայտնի ուղերձը: Համառոտ նկարագրելով նախորդ տարիների Ղափանի փոթորկալից անցուղարձը, նամակագիրները հայտնում են. «Եւ այժմս օսմանցիք բազմացեալ եկեալ են Դ(4) կողմանէ մեզ պտտեալ (sic! հմտ. «Պատմության» վկայության հետ՝ «...յամի Տեառն 1726ին... հասին պատեցին ի չորից կողմանց գերկիրն Դաւթի, գեթեմարեդ դաւառն Ղափանու»)»²⁰, դեղորանքն առել ընդ մեզ պատերազմում. զի ոչ եմք կարում աստը և անդրն շրջիլ, այլ մնացեալ եմք ի մէջ դալին, որպէս հաւքն ի մէջ դափաղի» (ԱՐՕ, II, թ. 335, ս. 274). Թեև այստեղ խոսվում է, կարծես թե, մի ամբողջ (ղալա) շրջափակման մասին, իրականում խոսքը վերաբերում է ամբողջ Ղափանին. նույն վավերագրի ուսաներին թարգմանությունում թարգմանիչը ճիշտ է ընկալել այս հաղորդման իմաստը. «...а понеже ныне оные ж турки еще собрався великим множеством, со всех четырех сторон наши крепкие места обступили так, что наши людям ни в которую сторону за безспием нашим против их турков противитися невозможно...» (ԱՐՕ, II, թ. 336, ս. 276):

Այսպիսով, օսմանցիները Ղափանի շրջափակումն սկսել են 1726 թ. գարնանամուտին: Ուշագրավ է, որ նախորդ տարի Ղարաբաղում անհաջողության մատնվելուց հետո, 1726 թ. սկզբից թուրքերը ձեռնամուխ եղան նաև Ղարաբաղի Սղնախների շրջափակմանը. 1726 թ. մարտի 25-ին: Դանձասարի Եսայի կաթողիկոսը Դարբանդի պարետին գրել է. «Այժմս այն յարեմըտից մեծ թշնամին (իմա՝ օսմանցիները—Ա. Ա.) եկն պատեալս գլեդ...» (ԱՐՕ, II, թ. 337, ս. 277, սր. թ. 338, ս. 279): Այստեղ, ինչպես և Ղափանում, շրջափակման հետևանքով երևան եկան պառակտման միտումներ. «Շատ մարդ մեր միջէս յուսահատում ա, դնում նոցա մօտն, և մեր կողմս նուազում է» (նույն տեղում, էջ 278), հմտ.՝ «յայժմս (շրջափակման սկսվելուց հետո—Ա. Ա.) ամենայն բնակիչք գաւառին առհասարակ խռովեցան սասանեցան, թողին լքին զԴաւիթ, եւ զնացին մտին ընդ լծովն Օսմանցուց» (Համապատում, էջ 167. ՊՏԱ, էջ 136): Այս փաստերը վկայում են այն նշանավոր իրողության մասին, որ 1720-ական թթ. Ղարաբաղը և Ղափանը, քան էլ հարաբերականորեն անջատ էին պայքար մղում օտար նվաճողների դեմ, այդուհանդերձ, թե՛ իրենց աշխարհագրական դիրքով և թե՛ իբրև հայ ազատագրական շարժման անպարտ մնացած վերջին պատվարներ, թիկունք-թիկունքի տված մի բնական ամբողջականություն էին և հենց այդպես էլ դիտվում էին օսմանցի ռազմականների կողմից:

Եվ վերջին հարցը. ե՞րբ են արաբ Ալի փաշան և Բեքիր փաշան իրենց լրամիավորումներով միացել Ղափանը շրջափակող զորքերին: Ըստ Համապատումի՝ «յամսեանն իններորդի յետ գալստեան Օսմանցուց ի Ղափան, ու այն հինգերորդ ամ էր գալստեանն Դաւթի». այսինքն՝ շրջափակման սկզբից ինն ամիս անց, 1726 թ. նոյեմբերին: Համապատասխանում է նաև թվականը. 1726 թ. Դավիթ-բեկի Ղափան ժամանելու հինգերորդ տարին էր: Այս-

¹⁹ 1727 թ. Զատիկը եղել է ապրիլի 2-ին (հին տոմարով). 1727 թ. ապրիլի 2-ից—43 օր+13 օր (թառամորդի 13-րդ օրը)=փետրվարի 26:

²⁰ Համապատում, էջ 167. հմտ. Ա. Մ. Իրզույան, նշվ. աշխ., էջ 94:

առեղ, սակայն, դեմ էնք առնում տրամաբանական արգելքի, քանի որ Համապատումի մի այլ տեղում կա մեր քննության եզրահանգումներին հակասող մի նախադասություն. «յամի Տեառն 1727ին, որ այն հինգերորդ ամ էր զայստեան Դաթի ի Ղափան» (էջ 173): Հակասությունը պարզելու համար անհրաժեշտ է վերականգնել Ղ. Սեբաստացու կողմից Համապատումի ժամանակադրության ստեղծման սկզբունքների ընդհանուր ուղղանկարը: Այս անգամ ևս մեզ օգնում են վերը ներկայացված ժամանակագրական տվյալները:

Նախ, «Պատմության» նախնական գրառումների հայտնաբերումից հետո պարզվեց, որ ՊՏԱ-ում թանաքով գրված է եղել թուրքերի կողմից Ղափանի շրջափակման տարեթիվը (1726 թ.) միայն առաջին երեք թվանիշը, այսպես՝ 172 և ՌՃՀ. Ղ. Սեբաստացին, կամ գուցե հետագայում մեկ ուրիշը, մատիտով ավելացրել է 6-ը և Ե-ն, դարձնելով 1726 և ՌՃՀԵ (էջ 136): Այդ. Աբրահամյանն այսպես է մեկնաբանում այդ փաստը. «Ուրեմն, «Ընտիր պատմութեան» նախագաղափար օրինակը (իմա՝ նախնական պատմությունը—Ա. Ա.) գրելիս հաստատապես չեն իմացել թուրքական զորքերի Սյունիքի վրա հարձակվելու ճիշտ թվականը, ուստի այն գրել են մատիտով, որպեսզի հետագայում ճշտեն: Իսկ «Ընտիր պատմութեան» խմբագրված օրինակում (իմա՝ Համապատումում—Ա. Ա.) ... մատիտով պայմանականորեն զրկած թվականը թանաքի է վերածվել և քաղաքացիություն տրվել սխալ թվականին»²¹: Այս մեկնությունը, սակայն, կամայական է և հակաստրամաբանական: Այդ. Աբրահամյանը առանց որևէ քննության պարզապես ժխտում է իր իսկ առաջ քաշած ենթադրությունը, որը շատ ավելի բնական է, այն է՝ 1726 թ. արձանագրությունը մասն է Համապատումի մեջ միայն Ղ. Սեբաստացու արած համապատասխան ճշտումից հետո: Այս տեսակետի իրավացիությունը ավելի համոզիչ է դառնում, երբ նկատում ենք ՊՏԱ-ում նույն սկզբունքի կիրառումը նաև Դավիթ-բեկի մահվան ժամանակը որոշելու համար. «Եւ ի ժամանակի յայսմիկ մեռաւ Դավիթ Պէկն Խաղաղութեամբ ի տան իւրում, յամի Տեառն 17(28) և ի թուին Հայոց ՌՃ(Հէ) ի յամսեանն...» (էջ 142. 28-ը և Հէ-ն ավելացված են մատիտով): Այսպիսով, Ղ. Սեբաստացին դանկալել է ճշտել Դավիթ-բեկի մահվան ոչ միայն տարեթիվը, այլև ամիսը. վերջինիս պարզումն այդպես էլ չի հաջողվել. այս իսկ սլաշառով ՊՏԱ-ում մնացել է անպատասխան, իսկ Համապատումում՝ Դավիթ-բեկի մահվան ամսվա խնդիրն այլևս չի դրվել (տե՛ս էջ 177): Այս իրողությունը լավագույնս փաստում է, որ Սեբաստացին այս հարցում ձգտել է առավել ուսուղիություն, և որ այդ դեպքին վերաբերող Համապատումի ունեցած 1728 թ. կրկնակի և գուցե բազմակի ստուգման արդյունք է²²:

Ժամանակագրական երկրորդ տեղեկությունը («յամսեանն իններորդի յետ զայստեան Օսմանցոյ ի Ղափան, որ այն հինգերորդ ամ էր զայստեան Դաթի») ՊՏԱ-ում առհասարակ չկա. այստեղ նշված է մի անորոշ ժամկետ՝ «Եւ ժամանակ ինչ կացեալ...» (էջ 136): Համապատումն ունի նախնական սլաշառովներում բացակայող ևս մի քանի ժամանակագրական տվյալ. Դավիթ-բեկի Ղափան գալու («յամի Տեառն 1722 եւ ի թուին Հայոց Ռ. Ճ. և. Ա.»), Բարդուղյատի Ֆաթհ-Ալի սուլթանի Չավնդուրի վրա կատարած առաջին հարձակման («Եւ յամին երկրորդի, յետ զայստեանն Դաթի ի Ղափան»), Որոտնա բերդի հրավման («Եւ ի յամին երրորդի, չետ զայստեան յուրոյ ի Ղափան»), Թորոսի զորաբանակի պարտության (Յամի երրորդի՝ յետ զայստեանն Դաթի ի Ղափան) թվականները²³: Այս ամենը հուշում է, որ Ղ. Սեբաստացին իր չպահպանված (գուցե, դեռևս անհայտ) սևագրու-

²¹ Ա. Ա. Աբրահամյան. Սյունիքի XVIII դարի..., էջ 175:

²² Ա. Ա. Աբրահամյանը վերոբերյալ նույն կամայական և հարեանցի դիտումով ժխտում է նաև Դավիթ-բեկի մահվանը վերաբերող «Պատմության» ժամանակագրական տեղեկությունը (տե՛ս նույն տեղում, էջ 177):

²³ Տե՛ս Համապատում, էջ 149, 151, 153, 157:

Երևանի մեջ հատուկ նշել է «Պատմություն» ժամանակագրությանը վերաբերող տվյալները և դրանք օգտագործել Համապատումը շարադրելիս:

Համապատումն ունի ժամանակագրության արձանագրման երկու եղանակ. մի դեպքում նշվում է բուն թվականը, քրիստոնեական կամ հայկական տոմարով (էջ 147, 148, 149, 166, 167, 173, 177, 179), մյուս դեպքում՝ հիշատակվում է Դավիթ-բեկի Սյունիք գալու հերթական տարին (էջ 151, 153, 157, 167), օրինակ՝ «յամի երրորդի յետ գալստեանն Դավթի ի Ղափան»։ Առաջին եղանակը կիրառվել է այն դեպքում, երբ տարեթվի հավաստիությունը ունի կասկած չի հարուցել: Այդ մասին է խոսում այն փաստը, որ, ժամանակագրության ստուգությանը հատուկ կարևորություն տալով, նախնական պատումների գրառումներում Ղ. Սեբաստացին չի շտապել արձանագրելու Ղափանի ազատամարտի մի շարք հանգուցային անցքերի համապատասխան թվականները. ՊՄԾ-ում և ՊՏԱ-ում առաջին եղանակով նշված է ընդամենը երեք տարեթիվ. 1721 թ., 1722 թ. և 1724 թ. (էջ 119, 120, 135): Ուշագրավ է, որ այս երեքն էլ վերաբերում են այնպիսի իրադարձությունների (աֆղանների ներխուժումը Իրան²⁴, լեզգիների ասպատակություններն Այսլերկովկասում և Երևանի գրավումը օսմանյան բանակի կողմից), որոնք ժամանակին միջազդային մեծ հնչեղություն ունեին և պետք է հայտնի լինեին վենետիկում հաստատված հայ միաբաններին թե՛ եվրոպական բազմաթիվ աղբյուրներից և թե՛ Արևելքում գտնվող միաբնակների ուղարկած տեղեկություններից (Ս. Արամյանը հրատարակել է վերջիններիս հատվածները՝ տե՛ս Պատմություն Ղափանցուց, էջ 94—96): Կարծում ենք, որ բացի վերոհիշյալ երեքից, Համապատումում փոխտեղեկան կամ հայկական տոմարով նշված մյուս բոլոր թվականները նույնպես վավերականորեն հաստատվել են այս կամ այն աղբյուրով, այլապես պարզապես անհասկանալի կլինեին նույն Համապատումում ժամանակագրական աշխատանքումս իրարից տարբեր երկու եղանակի գործածման իմաստն ու նպատակահարմարությունը: Երկրորդ եղանակը կիրառվել է, մեր համոզմամբ, այն դեպքում, երբ ժամանակագրական տեղեկությունը վերաբերել է տեղական լեռնային շրջանում ունեցող իրադարձություններին և, Ս. Շահումյանի, Յեռ-Ավետիսի կամ այլ լրատուի անձնական եզրվի վկայությունից բացի, ուրիշ ոչևշով չի հաստատվել (այս եղանակով են նշված Բարգուշատից Զավենդուրի վրա կատարված առաջին հարձակումը, Ռոստոմ բերդի գրավումը, Ռոստոմ բանակի պարտությունը և Ալի ու Բեհեթ փաշաների ժամանումը Ղափան. տե՛ս Համապատում, էջ 151, 153, 157, 167): Անտարակույս, Ղ. Սեբաստացու վերոհիշյալ լրատուները Ղափանի որոշ անցքերի ժամանակագրությունը վերահիշել են երկրորդ եղանակի սկզբունքով՝ հաշվելով Դավիթ-բեկի Ղափան գալու թվականից ի վեր: Եթե Ալի և Բեհեթ փաշաների Ղափան գալու թվականի

²⁴ «Պատմության տեղեկությունն առ այն, որ դեռևս 1721 թ. աֆղանները գրավել են Սպահանը և սպանել շահ Սուլթան-Հուսեյնին (ՊՄԾ, էջ 119. Համապատում, էջ 147), սաույց չէ: Սպահանը գրավվել է 1722 թ. հոկտեմբերի 12-ին (հին տոմարով), նույն օրն էլ շահ Սուլթան-Հուսեյնը գահից հրաժարվել է հօգուտ աֆղանների առաջնորդ Միր-Մահմուդի (տե՛ս «Ժամանակագրություն Պետրոս դի Սարգիս Գիլանցի».—«Կոմունի Հայոց աշխարհին», 1863, թ. Բ, էջ 103—104. L. Lockhart. Op. cit., ք. 168—173): Իրականում, գահազուրկ Սուլթան-Հուսեյնն իր աֆղան տերերի ողորմածության տակ ապրեց մինչև 1726 թ. աշուն՝ երբ նրան գլխատել տվեց Իրանի երկրորդ աֆղան շահ Ալլաթը (1725—1729). տե՛ս L. Lockhart. Op. cit., p. 289: Աղբյուրագիտական տեսանկյունից, թերևս, կարող է խիստ ուշագրավ փաստ լինել այն, որ Աբրահամ Երևանցին նույնպես 1721-ով է թվագրում Սպահանի գրավումը և շահ Սուլթան-Հուսեյնի սպանությունը (տե՛ս Աբրահամ Երևանցի, էջ 21, 91): Այս առումով հարցահույզ է նաև այն, որ և՛ «Պատմություն» մեջ, և՛ Աբրահամ Երևանցու ինքնագրում շահ Սուլթան-Հուսեյնն անվանված է շահ Հուսեյն (ՊՄԾ, էջ 119. Համապատում, էջ 147. Աբրահամ Երևանցի, էջ 21), մինչդեռ Երևանցու երկրի՝ Մատթեոս Գարագաշյանի խմբագրած օրինակում նա արգեն կոչված է իր լրիվ անվամբ (տե՛ս Աբրահամ Երևանցի, էջ 91):

հարցը մի կողմ դնենք, երկրորդ՝ ևղանակով թվագրված մյուս երեք դեպքերի վերաբերյալ Համապատումի հաղորդումները, ինչպես ցույց ենք տվել, ճշգրիտ համապատասխանում են իրականությանը. ըստ որում, հաշվելու սկզբունքը նույնն է. 1722 թ. համարվում է Դավիթ-բեկի Ղափան գալու առաջին տարին, 1723-ը՝ երկրորդը, 1724-ը՝ երրորդը²⁵։ Այս սկզբունքով 1726 թ. պիտի համարվեր «հինգերորդ ամ գալստեանն Դավթի», և իրոք՝ «Պատմության» և Մխիթար-բեկի խնդրագրի տվյալների վերն արված համեմատությունն ապացուցում է, որ Ալի և Բեքիր փաշաները Ղափան են եկել 1726 թ. նոյեմբերին։ Հետևապես, «Պատմության» այն հաղորդումը, ըստ որի «յամի Տևառն 1727ին, որ այն հինգերորդ ամ էր գալստեանն Դավթի ի Ղափան»՝ արդյունք է ընդամենը թյուրիմացության, որի առաջացման խնդիրն էլ արժանի է քննության։

Արդ, հոգևորական Ղուկաս Սեբաստացին պետք է հեշտությամբ կռահեր, որ Հալիձորի ճակատամարտը եղել է 1727 թ., քանի որ գիտեր երկու փաստ. մեկ՝ որ 1726 թ. առնվազն ինն ամիս թուրքերը Հալիձորի ուղղությամբ հարձակման, չեն դիմել, և երկրորդ՝ որ Հալիձորի ճակատամարտն ընթացել է քառասորդաց պահքի (այն է՝ փետրվար-մարտ ամիսներին) օրերին, հետևաբար, այն չէր կարող տեղի ունենալ 1726 թ.։ Բայց, ամենայն հավանականությամբ, հենց այս ճիշտ կռահումից հետո է, որ Ղ. Սեբաստացին թույլ է տվել հետևյալ վրիպումը. Ալի և Բեքիր փաշաների՝ մինչև Հալիձորի վրա գրգռվող Ղափանում կամ նրա սահմաններին գտնվելու ժամանակի մասին որևէ ստույգ տեղեկություն չունենալով, նա սխալմամբ կարծել է, թե նրանց Ղափան դալու և Հալիձորի վրա դրոշմելու պահի միջև էականորեն զգալի մասնականահատված չէր կարող լինել, այսինքն՝ որ Ղափան գալուց անմիջապես հետո նրանք ձեռնարկել են Հալիձորի պաշարումը։ Մական, ինչպես վերը տեսանք, այդ փաշաները մոտավորապես 3—4 ամիս Ղափանը շրջափակող զորքերի մեջ էին։ Այսպիսով, Ղ. Սեբաստացին երկու իրագարծություններով փաշաների Ղափան դալը և Հալիձորի ճակատամարտը մոտավոր թվադրել է 1727 թ.՝ առաջին դեպքում լինելով սխալ, երկրորդում՝ ճիշտ։ Բայց ուշադրել է, որ Համապատումն այդպես էլ այդ երկու անցքը ուղղակիորեն (այն է՝ առաջին եղանակով) 1727 թ. չէ թվագրում։ Փոխարենը, 1727 թ. առաջին եղանակով արձանագրված է Դավիթ-բեկի՝ սպանված թուրք վիճվորների ղյուխների շորս բեռը շահ Թահմասպա II-ին առաքելու և Թահմասպի՝ Դավիթ-բեկին հղած պատասխան հրովարտակի կապակցությամբ (տե՛ս Համապատում, էջ 173)։ Հետաքրքիր է, որ Տեր-Ավետիքի պատումում Թահմասպի հրովարտակի բովանդակությունը շատ ավելի համառոտ է շարադրված, քան Համապատումում։

ՊՏԱ. — Որքան հանք գոն ի կողմանսդ յայդոսիկ՝ ղլխաւորն լիցի Դաւիթ Պէկն, եւ ոնացեալ ի րաց հանցէ ղՕսմանցին յերկրէն իւրմէս (էջ 139)։

Համապատում. — «Շահթամաղ արքայ Պարսից՝ առ քաջդ Դաւիթ Պէկ, եւ առ քաջ ղօրավարսդ Հայոց՝ որք ընդ քեզ են, ողջոյն։ Ի րաղմաց բաղում անդամ աղդ ևղեւ մեղ ղքաջութեանց քոց. բայց արդ իբր ականատես իսկ եղեալ մեր ղձերոց մեծամեծ քաջութեանց՝ որ ընդդէմ թըշնամեացն մերոց, ահա՛ արդ կացուցի զքեզ իշխան եւ զուխ ամենայն իշխանաց մերոց, որք են ի կողմանսդ յայդոսիկ. եւ երկիրդ Ղափան՝ զոր կալար քաջութեամբ, քեզ լիցի. բայց դու ելցես եւ ժողովեսցես առ քեզ զամենայն զօրս

²⁵ Տե՛ս Համապատում, էջ 151, 153, 157. Հմմտ. մեր ուսումնասիրության արդյունքների հետ՝ «Պատմա-րանասիրական հանդես», 1990, № 2, 3, 4, 1991, № 2։

և ղեկանս ի կողմանցդ յայդոցիկ, և ի
բաց հանցես զՕսմանցին ի սահմանաց
քոց» (էջ 173—174)։

Ուշ միջնադարի պարսկական վավերագրերի հմուտ մասնագետ Հ. Դ. Փափազյանը նկատում է, որ շահ Թահմասպի՝ Դավիթ-բեկին հասցեագրած «հրովարտակի շարադրանքը... իր ծեղվ և ոճով բավական նման է այդ շրջանից մեզ հասած նմանատիպ հրովարտականներին»²⁶։ Սթե այս դիտողությունը բաղդատենք վերն արտահայտված մեր այն կարծիքի հետ, ըստ որի Ղ. Սեբաստացին տարեթվերը քրիստոնեական կամ հայկական տոմարով է նշել միայն այն դեպքերում, երբ անվերապահորեն հավատացած է եղել դրանց ստուգությանը՝ ապա կարելի է ենթադրել, որ Համապատումում նա ոչ թե փորձ է արել «Տեր-Ավետիքի բանավոր նկարագրության հիման վրա տալ հրովարտակի շարադրանքը»²⁷, այլ ձեռքի տակ ունեցել է կամ այդ հրովարտակը, կամ նրա պատճենը, կամ էլ՝ նրա հայերեն թարգմանությունը, որը եթե վավերված է եղել։ Այդ վավերագիրը կարող էր վեներտիկ հասնել նույն Տեր-Ավետիքի կամ հաճախ այստեղ այցելող այլ ղափանցիների միջոցով։ Ահա այս ճանապարհով է, կարծում ենք, որ 1727 թ. արձանագրվել է Համապատումի հենց սյդ՝ Թահմասպի հրովարտակը ներկայացնող հատվածում, և ոչ այլուր։ Այդտեղ էլ, Ղ. Սեբաստացին, վերընթերցելով երկու թուրք փաշաների Ղափան հասնելու մասին ժամանակագրական տրվյալը, ուր ասված է, որ նրանք «եկին հասին ի Ղափան», երբ «այն հինգերորդ ամ էր գալստեանն Դավթի», և, կարծելով, թե այդ դեպքը, Հալիճորի ճակատամարտի հետ միասին, տեղի է ունեցել 1727 թ., փորձել է խմբագրական ծանոթագրում անել, միսհյուսելով Համապատումի ժամանակագրական կառուցման երկու եղանակը, և ստանալով հետևյալ սխալ բանաձևը. «յամի Տեառն 1727ին, որ այն հինգերորդ ամ էր գալստեանն Դավթի ի Ղափան» (էջ 173)²⁸, Ղ. Սեբաստացու այս եզակի փորձի ձախողումը և դրա բացահայտումը մեկ անգամ ևս հաստատում են, որ Համապատումի ժամանակագրությունը հիմնականում կառուցված է Սյունյաց ազատամարտի մասնակիցների անմիջական վկայությունների հիման վրա և չնչին չափով է միայն խմբագրական վերլուծության և միջամտության արդյունք, ըստ այդմ էլ, առավել բարձր պետք է գնահատել այդ ժամանակագրության հավաստիությունը։

* * *

Գ. «Ղափանցվոց պատմության» ժամանակագրության հավաստիության դեմ Պ. Հարությունյանն առաջադրել է մի լուրջ առարկություն ևս. «Մտեփանոս Շահումյանը գրում է²⁹, որ 1727 թ. շահ Թահմասպը, զարմանալով Դավիթ-բեկի և նրա ղինվորների քաջության վրա, նրան ընծաներ է ուղարկում ու մի հրովարտակ, որով ճանաչում է Դավիթ-բեկի իշխանությունը...։ Մտեփանոս Շահումյանի նշած թվականը (1727) պետք է համարել ոչ հավաստի։ 1725 թ. օգոստոսից Թավրիզը գրավված էր թուրքա-

26 Հ. Դ. Փափազյան, նշվ. աշխ., էջ 99։

27 Նույն տեղում։

28 Ի դեպ, Համապատումի սույն բանաձևի պատճառով Ալի և Բեքիր փաշաների Ղափան գալու ժամանակի հարցում սխալվել է նաև Ա. Միրզոյանը, որը, սկզբունքորեն ճիշտ վարելով քննությունը, 1726 թ. մարտից հաշվելով 9 ամիս, ստացել է... 1727 թ. հունվարը (տե՛ս Ա. Միրզոյան, նշվ. աշխ., էջ 95)։

29 Պ. Հարությունյանը Ս. Շահումյանին համարում էր «Դավիթ Բեկի պատմության» հեղինակ. տե՛ս Ս. Պ. Т. А р у т ю н я н. Освободительное движение... с. 252։

կան զորքերի կողմից³⁰, դրանով Թահմասպի և հայ զորահրամանատարների միջև կայար կտրվել էր³¹, Ըստ այսմ էլ, Դավիթ-բեկը շահի հրովարտակը պետք է ստացած լիներ մինչև Թավրիզի անկումը, Պ. Հարությունյանի կարծիքով՝ 1725 թ. դարնանը³²,

նույն նկատառումներով Աշ. Աբրահամյանը Դավիթ-բեկի և շահ Թահմասպի դաշինքը դնում է 1725 թ. ամռան ամիսներին։ Նկատի ունենալով Աղոյիսի մոտ՝ «Մարաղի» դաշտում տեղի ունեցած ճակատամարտից երեք պարսիկ խաների փախուստը, նա մատնանշել է նաև, որ «Պատմության» մեջ 1727-ին վերադրվող անցքերի նկարագրությունում «ասվում է, որ պարսկական զորքերը նահանջի են Թավրիզ», այնինչ այդ ժամանակ Թավրիզը պետք էր թուրքերի ձեռքում³³,

Վերոգրյալի առթիվ առաջիմ նշանք երկու հանգամանք. 1. խնդրո առարկա դեպքերը պատմել է ոչ թե Ս. Շահումյանը, այլ Տեր-Ավետիքը, որը Ղափանում էր դաշնակցական միջին 1729 կամ 1730 թ. (տե՛ս ՊՏԱ, էջ 142—143. Համապատասխան էջ 178—179). 2. Մարաղի ճակատամարտի «Պատմություն» նկարագրությունում, փակագծերի մեջ, հնարավոր է, որ նշված լինի պարսիկ խաների փախուստի սոսկ ուղղությունը՝ «մինչդեռ փախստեայ կրթային նորա ի Թավրէզ» (ՊՏԱ, էջ 140—141. Համապատասխան էջ 176), ե սխալ կլինի սրանից եզրակացնել, թե այդ պահին Թավրիզն անպայմանորեն պարսիկների ձեռքում պիտի լիներ։ Բացի այդ, ինչպես և «Պատմություն» այլ տեղերում, նախադասության փակագծերի մեջ դրված լինելը Ղուկաս Սևրաստայու որոշակի խմբագրական միջամտության արդյունք պիտի լինի. այս դեպքում՝ ոչ այնքան հաջողված (հմմտ. ՊՄՇ, էջ 121. ՊՏԱ, էջ 141. Ձորասուղյակ, էջ 143. Համապատասխան էջ 156 (հմմտ. ՊՄՇ, էջ 124), 157): Այդուհանդերձ, լրացնելով «Պատմության» ժամանակագրության հավաստիության նկատմամբ առաջադրված առարկությունների վերոբերյալ շարքը, նկատենք, որ Համապատասխան տալիս է և այսպիսի մի տեղեկություն. Հայիձորի և Եղևանի միջև տեղի ունեցած հետո, «յաւուրս քառասորչացն պահոյ առաքեալ նա (Դավիթ-բեկը—Ա. Ա.) զՄխիթար սպարապետն և զտէր Աւետիսն՝ վաթսուն և վեց վառելովք առ հաճն Դուզալի եւ առ եղբայր նորա Լեւոյի հանն ... եւ եկին գտին զնոսա ի շէնն Քուրդուշանն՝ ի կողմանս Ուրդուրայ, առ Երասխաւ. զի յաւուրսն յայնոսիկ շահ Թամազն էր ի Թաւրէզ, և իշխան զօրուն՝ որ էր Դուզալի հանն, բաղում զօրօք ի կողմանս Երասխայ՝ ընդդէմ Օսմանցւոցն» (Համապատասխան էջ 171. հմմտ. ՊՏԱ, էջ 137—138): Հ. Դ. Փափաղյանը ցույց է տվել, որ Ղուկաս Սեբաստացին, ՊՏԱ-ն վերաշարադրելիս, Համապատասխան վերոբերյալ հատվածում թույլ է տվել մի շարք ուղղակիումներ. այսպես, Դուզալի շրջանն ընկալվել է որպես այդ շրջանին տիրող Քյազում-խան Կարաղաղլուի անձնանուն (Դուզ-Ալի), կիսաբարբառային ձևով Տեր-Ավետիքի արտահայտած «եւ եղբայր նորա խանն լե Քաղում ջանայր հաւանեցուցանել» խոսքի թյուրընկալման պատճառով Համապատասխանում խանի եղբայրն անվանված է «Լեքազի»³⁴, Արդ, Համապատասխանում նշված հատվածի ընդհանուր անհաջող խմբագրության արդյունք է նաև 1727 թ. շահ Թահմասպի Թավրիզում լինելու մասին տեղեկությունը, քանի որ նախնական պատմումով՝ ՊՏԱ-ում այն պարզապես չկա (տե՛ս էջ 137—138),

Այժմ, ըստ էության. որքանով էր հնարավոր դաշինքը շահ Թահմասպ II-ի և Դավիթ-բեկի միջև 1727 թ.:

30 Թուրքերը Թավրիզը գրավել են 1725 թ. օգոստոսի 1-ին (նոր տոմարով). տե՛ս I. Lockhart. Op. cit., p. 265.

31 П. Т. Арутюнян. Освободительное движение, с. 269.

32 Նույն տեղում, հմմտ. Վ. Մ. Մարտիրոսյան, նշվ. աշխ., էջ 178:

33 Աշ. Աբրահամյան. Սյունիքի XVIII դարի ..., էջ 176:

34 Հ. Դ. Փափաղյան, նշվ. աշխ., էջ 98:

1725 թ. շահ Թահմասպը հեռավոր Մաղանդարանում էր՝ և այնտեղից Սեֆյանների գահին վերահաստատվելու անհաջող փորձեր էր անում։ Խիստ ուշագրավ է, որ 1725—1727 թթ. ամբողջ ընթացքում Ղարաբաղի հայոց Սղնախները բանագնացների միջոցով շարունակում էին մշտական կապ պահպանել նրա հետ³⁶։ Իսկ ահա թե ինչպիսին էին Սեֆյան վարչապետի ծրագրերը 1726—1727 թթ. ձմռան ամիսների նկատմամբ։ Թահմասպի արքունիքում գտնվող վրաց իշխան Սարիգան-բեկը³⁷ 1726 թ. ապրիլին հայտնում էր Վախթանգ VI-ին. «...здесь (իմա՝ Մաղանդարանում և Գիլանում—Ա. Ա.) великие провинции имеются... и в нынешнем лето сии провинции туркам и турка не допустим, и которые адербейжанцы и сальянцы оных всех здесь в Гиляне и в Мазандроне в порах зберем и нынешнюю зиму под Ганжу приступя осадим. И сигнатское войско и около тамошних мест обывателей совокупя к крузинской земле пойдем; сигнатцы турка трижды победили, и рубленные головы турецкие... (այստեղ երկու բառ մնացել է անընթեռնելի—Ա. Ա.) к шаху привез³⁸...»:

Այս չափազանց արժեքավոր հաղորդումից պարզ է դառնում, որ Արցախ-Սյունիքում թուրքերի դեմ մարտնչող հայկական զորքերը ոչ միայն տեղյակ էին պահված շահ Թահմասպի սույն հարձակողական ծրագրին, այլև այդ առումով տվել էին իրենց համաձայնությունը։ Թե որքան անիրապաշտ էր այդ ծրագիրը, ցույց տվեցին հետագա իրադարձությունները, բնական էր, սակայն, որ դժվարին պայմաններում հայտնված հայկական դիմադրական ուժերը պետք է որոշակի հույսեր կապեին շահի խոստացած օգնության հետ։

1727 թ. հունվարին սիփահասալար (գերագույն զորահրամանատար) Մուհամադ-Ռիզա խան Արզալուին շահ Թահմասպ II-ի հղած հրովարտակից, ուր ասված է՝ թե Դավիթ-բեկը ծանր կացության է մատնվել և հարկ է նրան շտապ օգնություն ցույց տալ³⁹, երևում է, որ 1726 թ. Դավիթ-բեկը օժանդակության խնդրանքով դիմել էր Թահմասպին։ Դատելով ըստ եղած տվյալների, սա կարող էր լինել 1724 թ. ի վեր Թահմասպի հետ Դավիթ-բեկի առաջին շփումներից մեկը (եթե ոչ առաջինը)։ Թահմասպի հրովարտական Դավիթ-բեկին անվանված է Վրաստանի և Քարթլիի վալի Հուսեյն-Կուլի խանի, իմա՝ Վախթանգ VI-ի⁴⁰ ստորակա։ Այս դրվագը գրեթե լիովին փաստում է, որ շահի այդ հրովարտակը (որով, ի միջի այլոց, մոռացության էր տրվում Դավիթ-բեկի նախորդ ապստամբական գործունեությունը) ձեռք էր բերվել 1726 թ. սեպտեմբերի 10-ին Ռուսաստանից Գիլան ժամանած Վախթանգ VI-ի⁴¹ միջնորդությամբ, որը հենց այդ ժամանակամիջոցին, ռուսաց կայսրուհու հանձնարարությամբ, գործունե բանակցություններ էր վարում

³⁶ J. Hanway. Op. cit., p. 246. J. T. Krusinski. Op. cit., Vol. 2, p. 176; L. Lockhart. Op. cit., p. 278—279. Վ. Կ. Ոսկանյան, Վ. Ա. Դիլոյան, նշվ. աշխ., փաստ. 14, 17, էջ 261, 264:

³⁷ Վ. Կ. Ոսկանյան, Վ. Ա. Դիլոյան, նշվ. աշխ., փաստ. 13, 19, էջ 261, 265; Армянское войско в XVIII веке, док. 112, 163, с. 289, 407. АРО, II, док. 304. 310, с. 221—222, 236. Հմմտ. «Պատմա-բանասիրական հանգես», 1990, № 4, էջ 75—76, ձևթ. 50, от 1639 г. по 1770 г. СПб., 1861, с. 183, ср. Г. Г. Паичадзе. Указ. соч., с. 27, 77):

³⁸ Սարիգան-բեկը Վախթանգ VI-ի նախկին սեղանապետն էր (տե՛ս Г. Г. Паичадзе, Указ. соч., с. 80):

³⁹ Վ. Կ. Ոսկանյան, Վ. Ա. Դիլոյան, նշվ. աշխ., փաստ. 19, էջ 265:

⁴⁰ Նույն տեղում, փաստ. 23, էջ 267. Հմմտ. Հ. Դ. Փափադյան, նշվ. աշխ., էջ 96—97:

⁴¹ 1716 թ. առերես մահմեդականություն ընդունելով, Վախթանգն այդ անունն էր ստացել (տե՛ս Переписка на иностранных языках грузинских царей с российскими государями от 1639 г. по 1770 г. СПб., 1861, с. 183, ср. Г. Г. Паичадзе. Указ. соч., с. 27, 77):

⁴² Г. Г. Паичадзе. Указ. соч., с. 101; АВПР, Ф. Сношения России с Грузией, 1726 г., д. № 1, лл. 226—227.

շահի արքունիքի հետ, իսկ 1726 թ. նոյեմբերի 8-ին Ռեշտի մոտ հանդիպել էր նույն Մուհամադ-Ռիշա խանին, որն այդ պահին դեռևս ղորշի-բաշի (հեծյալ արքունական գնդի հրամանատար) էր⁴²։ Արդ, Մազանդարանում ապաստանած Պարսից շահից Դավիթ-բեկի ունեցած ակնկալիքները միանգամայն արդարացված էին. ըստ «Պատմության», Թահասպին շարունակում էին իրենց դերսկա համարել Ղափանին հարևան Ղարադաղի շրջանում օսմանցիներին չհպատակված պարսկական խաները, որոնց հետ էլ 1727 թ. դաշնակցեց Դավիթ-բեկը, սկզբում ուզիլ կապեր հաստատելով, իսկ հետո Թահասպի կողմից նշանակվելով այդ տարածաշրջանի (Ղափան-Ղարադաղի, Ռարզուշան, Նախիջևանի հարակից շրջաններ) ճիշխան և զուլա ամենայն իշխանաց մերոց, որք են ի կողմանսդ յայդուսիկ» (տե՛ս ՊՏԱ, էջ 137—141. հմմտ. Համապատում, էջ 171—176)⁴³։

Հարկ է նկատել նաև, որ Վախթանգ VI-ի դեռևս 1725 թ. սպասվող այցը ռուսների դրաված մերձկասպյան շրջաններ՝ հայերին կրկին ռազմական օգնություն ստանալու հույս ներշնչելով, մեծ ոգևորություն էր առաջացրել Ղարաբաղում⁴⁴։ Անտարակույս, տարբեր ճանապարհներով այդ լուրը պետք է հասած լիներ նաև Ղափան, քանի որ իր գալստյան մասին Վախթանգն ինքն էր ծանուցում Այսրկովկասի հակաօսմանյան բոլոր ուժերին. այսպես, 1726 թ. դեկտեմբերին Կ. Պոլսում Թուրքիայի արտգործնախարարի պարտականությունները կատարող պաշտոնյան՝ ռեյիս-էֆենդին ռուսական ռեզիդենտ Նեպլյուսին բողոքում էր, որ Վախթանգը, դալով Գիլան, սկսել է նամակներ հղել մուղանցիներին, հայերին և վրացիներին՝ նրանց Թուրքիայի դեմ հանդես գալու կոչ անելով⁴⁵։

Հատկանշական է, որ թեև Վախթանգն ստացել էր Պարսկաստանում միայն ռուսական քաղաքականության ծիրի ներքո գործելու մանրամասն հրահանգներ⁴⁶, բայց և այնպես հաճախ էր փորձում դուրս գալ իրեն պարտադրված շրջանակներից և ինքնուրույն քաղաքական քայլեր անել⁴⁷։ Այդ իսկ պատճառով ռուսական պաշտոնյաները, կայսերական հատուկ հրամանի համաձայն, խստորեն վերահսկում էին Վախթանգի և նրա մերձավորների բոլոր ձեռնարկումները ընդհուպ մինչև գրագրության բացումն ու ստուգումը⁴⁸։ Մի այլ խոսույն փաստ. Վախթանգը գանգատվում էր, որ իր՝ Դերբենդում լինելու ընթացքում, Հայաստանից եկած ինչ-որ յուզրաշինների որոշ ժամանակ չէին թույլատրում այցելելու իրեն⁴⁹։ Այս ամենը գալիս է հուշելու մեղ, որ ռուսական քաղաքականության թիկունքում Վախթանգը կարող էր շահ

42 Г. Г. Папчадзе. Указ. соч., с. 104—120.

43 Անգլիացի պատմաբան Քրիստոֆեր Ուոքերը շափազանցրել է այս հաղորդումը, կարծելով, թե Դավիթ-բեկը նշանակվել է ամբողջ Այսրկովկասի պարսկամետ հակաօսմանյան ուժերի գլխավոր հրամանատար (տե՛ս Christopher J. Walker. Armenia. The Survival of a Nation. Revised second edition. New York, 1990, p. 40)։

44 Այս մասին իվան Կարապետը գրում էր. «Չալապի Քէիվէն, որ եկել էր Դարպանտ, մին պստիկ դիր աղարկէց մեր սէղնադ. գրէլ էր, թէ շէտրալ քնազ Վասիլ Վալայդամուռիշ Դոռդո-ռուքօվն ե Վալայտանք խան եկէլ ան ձեղ քօմակ։ Ուզրաշիք օր էն գիրն տեսնն, ուրախացանք, եկան էստեղ էնտեղ օսմալու կտտորկն, օսմալուն շանգէզ զամէն ուրէնց դիղն ամ[ենայն] շինեցին» (այստեղ-այնտեղ օսմանցիներին կտտորեցին, օսմանցիների ծնոտն ամենուր իր տեղը դրեցին, իմա՝ շարգեցին—Ա. Ա.),—տե՛ս АРО, II, док. 350, с. 290. ср. док. 330, 344, 347, 356, с. 270, 285, 288, 296. Г. Г. Папчадзе. Указ. соч., с. 86—88. Հմմտ. Ա. Գ. Արրահամյան. Մի էջ Անգլիկովկասի ժողովուրդների և հայ-ռուսական հարաբերությունների պատմությունից. Երևան, 1953, փաստ. 79, էջ 261։

45 Г. Г. Папчадзе. Указ. соч., с. 114.

46 Նույն տեղում, էջ 96—99։

47 Նույն տեղում, էջ 90—95, 104—120։

48 Նույն տեղում, էջ 80, 111—112։

49 Նույն տեղում, էջ 110։

Թահմասպի և Դավիթ-բեկի միջև միջնորդի դեր խաղալ, մանավանդ, եթե նկատենք, որ այդ պահին նա արդեն շատ լավ էր պատկերացնում Այսրկովկասում ռուսների որդեգրած քաղաքականության ողջ կրավորականությունը և այն, որ նրանցից մոտակա ժամանակաշրջանում ռազմական օգնություն ստանալու՝ հայերի և վրացիների հույսերը հիմնադրվել են⁵⁰։ Այս իսկ տեսակետից բնորոշ է, որ Վախթանգը Այսրկովկաս և Գիլան գործողվելուց առաջ ռուսական արքունիքից խնդրում էր իրեն ազատել Հայաստանին վերաբերող այն հանձնարարությունից, որով նախատեսվում էր, տարբեր հավաստիացումներ տալով, շարունակել հայերին պահել մի կողմից ռուսական կողմնորոշման մեջ («содержать... при нашей стороне») և, մյուս կողմից՝ թուրքերի դեմ զրգոված վիճակում⁵¹։ Այս առթիվ Վախթանգը երկյուղ էր հայտնում, որ թուրքական խոշոր հարձակման դեպքում հայերը կարող են ընկնել ծայրաստիճան վատ դրության մեջ⁵²։ Միանգամայն հնարավոր է նաև, որ Վախթանգն այս կապակցությամբ իր բոլոր նկատառումներն ինչ-որ ճանապարհով հասցրած լինելու Այսրկովկասում հակասումանյա պայքարը դեկավրոդ իր նախկին զինակից մերձավորներին, որպիսիք էին, մասնավորաբար, Եսայի կաթողիկոս Հասան-Ջալալյանը և Դավիթ-բեկը։ Այսպես՝ 1726 թ. հունիսի 15-ին Եսայի կաթողիկոսը, նկարագրելով Ղարաբաղի ծանր վիճակը և գրելով, թե «հիմա օր քան զօր թշնամին համ մօտանում է, համ ուժովանում, նաև մինչև հիմա սապր ին անում (սպասում էին—Ա. Ա.), հիմա այլ սապր անել չկա. գեղայ ձեռ էս կողմ գալու և համբալն լսել են (հետևաբար, այդ լուրն արդեն հանրածանոթ էր ամբողջ տարածաշրջանում—Ա. Ա.) շատ թահդի հարաքաթի վերայ են (շուտափույտ գործողություններ են պատրաստում—Ա. Ա.)», գիմում էր Վախթանգին. «Ահա մեր խնդիրքն այն է, թէ որ ետ ու առաչ, շատ և փոքր, մեղ մէկ օգնութիւն անելու էք, վասն Աստուծոյ, պիտի որ վախտին հասանէք Շամախի, որ ժամանակն այս է, թէ որ անցաւ՝ էլ մեր հովին հասնիլ չի։ Ապա թէ որ իսկի բնաւ մեզ օգնութիւն հասնիլոյ չէք, էլ վի մեզ մէկ սարեհ ջուղապ (պարզորոշ պատասխան—Ա. Ա.) գրէք, [որպեսզի] մեր փքիրն քաշեմք (խորհենք մեր վճռելիքը—Ա. Ա.), [քանի] որ բանն բանէն անցել է...» (АРО, II, док. 344, с. 285)։

Մեկ ամիս անց՝ 1726 թ. հուլիսին Եսայի կաթողիկոսը գնաց օսմանցիների հետ համագործակցության (տե՛ս АРО, II, док. 345, с. 285—286)։ Իսկ 1726 թ. նոյեմբերին նա, Ղարաբաղի մելիքների և գյուղապետների հետ միասին («քոյ Ղարապաղի մէլիքներովն և քաղխուղովն»), սկսեց բացահայտ պայքար մղել այդ պահի համար բացարձակապես անիրապաշտ ռուսական կողմնորոշմանը հավատարիմ մնացած Ավան-յուզբաշու և նրա զինակիցների գործելակերպի դեմ, ինչպես վերջիններս էին գրում՝ «Հոգևոր Տէրն կանկնել է թէ Դ(4) տարի է, որ ուռուան մեզ խափում է՝ «ես կուկամ զձեզ անօրինաց ծեռաց ազատեմք», էլ եկաւ ոչ, յիմայ օսմանցունց ղուլուգական եմք (հիմա օսմանցուն ենք ծառայում—Ա. Ա.)» (АРО, II, док. 346, с. 286—287)⁵³։ Կարծում ենք, որ իր քսանամյա քաղաքական ամբողջ

⁵⁰ Նույն տեղում, էջ 96—120։

⁵¹ Նույն տեղում, էջ 91—93։

⁵² Նույն տեղում, էջ 93։

⁵³ Այնուամենայնիվ, ինչպես երևում է իշխան Վ. Դուրբուրովին՝ գեներալ-լեյտենանտ Ռումյանցևի 1728 թ. դեկտեմբերի 16-ին գրած նամակից, Ավան-յուզբաշու և Եսայի կաթողիկոսի համագործակցությունը, օսմանցիներից գաղտնի, հավանաբար, շարունակվել է մինչև վերջինիս մահը, որի ժամանակը, շնորհիվ այս վավերագրի, առավել որոշակի է դառնում (1728 թ. ամառ). պատմելով Ավան և Թարխան յուզբաշիների Ղարաբաղից դուրս դալու մասին, Ռումյանցևը գրում էր՝ «...И можно, милостивый государь, видеть, что они (իմա՝ Ավան-յուզբաշին և նրա զինակիցները—Ա. Ա.) держались все умом и настоялением патриарха Исаия который нынешним летом умер, и хотя он при паше был, только тайными наставлениями их не оставлял. А как он умре, то они все иные меры взяли...» (АВПР, Ф. Сношения России с Персией, опись 1, 1728 г., д. 6, лл. 1056—106а)։

ուղեկցողը նսայի կաթողիկոսի այս կտրուկ շրջադարձը տեղի է ունեցել նաև ու հատկապես ոռւսական դիվանագիտությանը և նրա նպատակադրումներին վերաբերող իր հարցումներին ի պատասխան՝ քաջատեղյակ վախժանգից ստացած ճշգրիտ տեղեկությունների ուղղակի ազդեցությամբ:

Ինչևհետև, այսքանով, թերևս, կարելի է հերքված համարել 1725 թ. հետո, Բալթիկի գրավումով՝ շահ Թահմասպ II-ի և Ղափանի հայոց իշխանապետության միջև կապը կտրված լինելու մասին թեզը, և, դրան զուգընթաց, մեկ անգամ ևս հաստատել «Ղափանցվող պատմության» ժամանակագրության արժանահավատությունը:

* * *

Եվ վերջինը՝ Պ. Հարությունյանը, հաստատելու համար «Պատմության» ժամանակագրական տվյալների սխալականությունը, հիշատակում է մելիք Փարսադանի և Մխիթար սպարապետի գերեզմանաքարերի վրա եղած վիմագրերը:

Մելիք Փարսադանի տապանագիրը հրատարակվել է մի քանի անգամ⁵⁴, վերջին՝ լուսանկարով ուղեկցվող հրատարակությունն ունի փաստագրական ճշտություն. «ԱՅՍ է ՏԱՊԱՆ ՀԱԼԻԾՈՐԵՑԻ ՄԵԼԻՔ ՓԱՐՍԱԴԱՆԻՆ ՈՐ է ՈՐԴԻ ՊԱԼ(Ա)ՍԱՆԻՆ»⁵⁵, Երվանդ Լալայանն իր առաջին հրատարակության մեջ (1905 թ.) սխալմամբ այս վիմագրին ավելացրել է տարեթիվ՝ «ԹՎԻՆ ՌՃՀԳ (1724)», որն էլ Պ. Հարությունյանին հիմք է տվել մերժելու «Պատմության» ժամանակագրական տվյալները⁵⁶, որոնց համաձայն, մելիք Փարսադանը ղոհվել է 1727 թ. (տե՛ս Համապատում, էջ 173—176): Իր հաջորդ հրատարակությունում (1912 թ.), սակայն, Ե. Լալայանը, հանելով տարեթիվը, ուղղել էր վրիպակը: Մյուս բոլոր հրատարակիչները (բացի Ս. Խանզադյանից, որը հետևել է Ե. Լալայանի առաջին հրատարակությանը) նույնպես առանց տարեթվի են վերադառնում վիմագրերը:

Սրան հակառակ, երկրորդ դեպքում, որը շեշտում են Պ. Հարությունյանը և Աշ. Աբրահամյանը⁵⁷, Մխիթար սպարապետի տապանաքարի վրա նշված մահվան թվականը՝ ՌՃՀԳ (1727), իրական է⁵⁸ և իսկապես հակասում է «Պատմության» հաղորդմանը, ըստ որի, Մխիթարը զոհվել է 1730 թ. (տե՛ս Համապատում, էջ 179. հմտ. ՊՏԱ, էջ 142):

Արդ, տապանաքարի այս ժամանակագրական թյուրիմացությունը կարող էր առաջանալ հետևյալ կերպ. Մխիթարի գերեզմանի հարևանությամբ՝ Խընձորեսկի Անապատ կոչվող եկեղեցու հյուսիսային կողմում, գտնվում է նաև 1748 թ. զոհված Զանգեզուրի մելիքներից մեկի՝ Բարխուդարի գերեզմանը: Ս. Բարխուդարյանը գրում է, որ «մելիքի գերեզմանաքարը թեև ավելի մեծ է, բայց իր ձևով ու փառալուծությամբ, նաև գրչությամբ խիստ նմանեցված է

⁵⁴ «Գնդունի», թիվ 1—10, Վենետիկ, 1903, էջ 54: Զ. Տէր-Հակոբյան. Մոռացված շիրիմ. — «Հանդես ամսօրյա», Վիեննա, 1913, էջ 303: Ե. Լալայան. Կապան կամ Ղափան. Մելիքություններ. — Ազգագրական հանդես, XII դիրք, Թիֆլիս, 1905, էջ 188: Նույնի՝ Գողթն. Օրդուրազի կամ վերին Աղուլիսի ոստիկանական շրջան (արտատպված Ազգագրական հանդես)՝ XI և XII դրքերից), Թիֆլիս, 1912, էջ 73: Ս. Խանզադյան. Ինչ են պատմութ բարերը. — «Սովետական Հայաստան», 1981, № 6, էջ 30:

⁵⁵ Տե՛ս Արդամ Այվազյան. Աղուլիս (պատմամշակութային հուշարձաններ). Երևան, 1984, էջ 88 (լուսանկար 16 բ):

⁵⁶ Պ. Բ. Արդունյան. Освободительное движение..., հ. 270—271.

⁵⁷ Նույն տեղում, էջ 272: Ա. Գ. Աբրահամյան. Սյունիքի XVIII դարի..., էջ 178:

⁵⁸ Տե՛ս «Դիվան հայ վիմագրության», պրակ II, Գորիսի, Սիսիանի և Ղափանի շրջաններ, կազմեց Ս. Գ. Բարխուդարյան. Երևան, 1960, էջ 64 (լուսանկ. տախտակ XVI 56). հմտ. Ժ. Լալայան. Կապան կամ Ղափան, էջ 197:

սպարապետի գերեզմանափառին»⁵⁹։ Մեր կարծիքով, տեղի է ունեցել հետևյալը. 1748 թ. (ՌՃՂԷ) զոհված մելիք Բարխուդարի հիշատակին դրված տապանքարի հետ միասին, միևնույն վարպետի ձեռքով պատրաստվել է նաև Մխիթարի դերեղմանքարը։ Հենց այդ ժամանակ էլ, այսինքն՝ Մխիթարի նահատակությունից մոտ եփու տասնամյակ անց (կամ ավելի ուշ), թույլ է տրվել այդ դեպքի սխալ արձանագրումը։ Այս ենթադրության օգտին է խոսում նաև այն հանգամանքը, որ Մխիթարի զոհվելուց անմիջապես հետո պարզապես վտանգավոր էր այդպիսի մի տապանքարով բացերի բաց ցուցադրել նրա դերեղմանը, քանի որ խնձորենկի վրա օսմանցիների և Ղարաչուու քրդերի իրերահաշորդ ասպատակությունների ընթացքում⁶⁰ անխուսափելի էր շիրիմի պղծումը։ Ուստի և, նկատի ունենալով վերը կատարված ողջ քննությունը, ամենայն վստահությամբ եզրակացնում ենք, որ սխալ է ո՛չ թե «Պատմության», այլ տապանքարի վրա նշված թվականը։

ДОСТОВЕРНОСТЬ И СТРУКТУРА ХРОНОЛОГИИ «ИСТОРИИ КАПАНЦЕВ»

А. М. АЙВАЗЯН

Резюме

В армянской исторической науке некоторыми учеными (П. Т. Арутюнян, А. Г. Иоаннисян, А. Г. Абраамян, В. М. Мартиросян) были высказаны веские сомнения по поводу достоверности основных хронологических данных «Истории капанцев», в том числе дат смерти Давид-бека и Мхитара спарапета (1728 и 1730 гг. передвигались соответственно на 1725—1726 и 1727 гг.). Эта позиция была подвергнута серьезной критике (А. Мирзоян, В. Р. Григорян), которая, однако, оставаясь в рамках первого, несовершенного издания «Истории» (1871 г., Вагаришпат) не привела дискуссию к убедительному результату. Как впоследствии было замечено (А. Д. Папазян), новое полное издание «Истории» (1978 г., Венеция), позволяет опровергнуть выдвинутые против ее хронологии аргументы.

Настоящая статья, выявляя принципы построения хронологии Гукэсом Себастиани, а также привлекая дополнительный исторический материал, всесторонне освещает данную проблему, приходя к выводу об аутентичности хронологии «Истории капанцев». В ней, в частности, устанавливается время: 1) начала блокады турецкими войсками Капана (Сюннка) и Карабаха (Арцах)—март 1726 г., 2) присоединения к капанской группировке турецких войск вспомогательных сил во главе с Али-пашой и Бекир-пашой—ноябрь 1726 г., 3) начала первой осады Алидзора—26 февраля 1727 г. (по юлианскому календарю). Утверждается, что в конце 1726 г. Давид-бек через прибывшего в это время в Гилян картлийского царя Вахтанга VI, вошел в контакт с шахом Тахмаспом II.

⁵⁹ «Դիվան հայ վիմագրության», պ. II, էջ 63։ Մխիթար սպարապետի շիրմարարի «Հյուսիսային կողմին քանդակված են երեք հեծյալներ, առաջինն ունի ձեռքն կեն սուր, երկրորդը հրացան՝ դեպի ետ դարձրած, երրորդը, որ գնում է դրանց առաջից, սպարապետն է, ձեռքին ունի նիզակ, որով սպանում է գալարվող վիշապին։ Սպարապետին դիմավորում են երկու հետիոտն մարդիկ, առաջինի մի ձեռքին հրացան է, մյուսին՝ ծաղիկ. երկրորդը հոգևորականի զգեստով է, ձեռքին դրոշակ, որը պսակվում է խաչով» (նույն տեղում, էջ 64)։

⁶⁰ Տե՛ս Աբրահամ Կրետացի. Պատմություն։ Քննական բնագիր, ուսերին թարգմանություն, առաջաբան և ծանոթագրություններ՝ Ն. Կ. Ղորղանյանի. Երևան, 1973, էջ 150—151։